


Efterskolernerit 2024/2025

Efterskolernermik naammassinnittut

Ataatsimut isigalugit 359-it efterskolernermik aallartitsisimapput, 121-llu unitsitsisimallutik. Tassani naammassinnittarnermut pct.-i 66-imiippoq, ukiut siuliini 63-it 70-illu akornanni inissisimasarsimasoq.

Ukioq atuarfiusut 2020/21 aammalu 2021/22 nunarsuaq tamakkerlugu nappaassuarmit tuniluuttumit COVID-19-imit sunnerneru suli atuuppoq.

Titartagaq 1. 2016/17-imiit 2024/25-mut efterskolernerit aallartinneqartut amerlassusaat, atuarfik malillugu



Najoqqutaq: Naatsorsueqqissaartarfik – Kisitsisaataasivimi kisitsisit takukkit (<https://bank.stat.gl/UDNESF>).

Efterskole Villads Villadsen-i atuartunut 80-inut inissaateqartoq Maniitsumilu Efterskoli atuartunut 70-inut inissaateqarluni. Atuartulli efterskolini aallartittut amerlassusaat inissaqartitsinermit amerlanerusinnaapput, unitsitsisoqartillugu atuartut nutaat aallartissinnaasarmata.


2024/25-mi Kalaallit Nunaanni efterskolernerit aallartinneqartut amerlassusaat ukiup siulianit aallartittunit amerlanerupput, tassani Efterskole Villads Villadsen-imi 61-it aallartissimallutik, Maniitsumi Efterskolimi 42-it aallartittut. 2024/25-mi qallunaat efterskoliini aallartittut ukiup siulianut sanilliullugit 79-inik amerleriarsimapput.

Efterskolernermik aallartitsisut ukiui

Amerlanerpaat ukiumi 16-inik ukioqalerfimminni efterskolernermik aallartitsisarput, amerlasuullu meeqqat atuarfianni naammasserlaajusarlutik. Ukiumi atuarfiusumi 2024/25-mi atualertut 81 pct.-ii ukiumi 16-iliiffimminni aallartissimasut 5 pct.-ii inuusunnerupput. Taamaallaat Danmarkimi inuusuttut 16-it inorlugit ukiullit efterskolernermik aallartitsisinnaapput.

16-inik ukioqalereersimallutik efterskolernermik aallartitsisartut amerlassusaat 2024/25-mi 14 pct.-iusimapput.

Titartagaq 2. 2016/17-imiit 2024/25-mut efterskolernerit aallartinneqartut, ukiut malillugit



Nalunaarut: Ukiup pineqartup naanerani atuartut ukiui malillugit naatsorsuisoqarpoq.

Najoqqutaq: Naatsorsueqqissaartarfik – Kisitsisaataasivimi kisitsisit takukkit (<https://bank.stat.gl/UDNESE>).


Efterskolerni unitsiinnartarneq

Ukiumi atuarfiusumi 2024/25-mi atuartut 238-t efterskolernermik naammassinnissimapput, efterskolernerit aallartinneqarsimasut 66 pct.-iinik annertussusillit. Tamanna ukiup siulianut naleqqiullugu 3 pct. point-inik qaffariarneruvoq.

2024/25-mi Efterskole Villads Villadsen-imi naammassinnittarnermut pct.-i 57 pct.-iusimavoq, piffissamilu pineqartumi Maniitsumi Efterskoli-mi 62 pct.-iusimalluni.

Kalaallit Nunaanni efterskolinut sanilliullugit qallunaat efterskoliinit naammassisartut procentii appariarsimapput, 2024/25-milu 69 pct.-iulluni. Tamanna ukiup siulianut, 75 pct.-iusimasumut, naleqqiullugu apparpog.

Titartagaq 3. 2016/17-imiit 2024/25-mut naammassinnittarnermut procenti, efterskolit malillugit




Najoqqutaq: Naatsorsueqqissaartarfik – Kisitsisaataasivimi kisitsisit takukkit (<https://bank.stat.gl/UDNESF>).

Efterskolernermik aallartitsisartut naammassinnittartullu

Ataani takuneqarsinnaapput 2002-imiit 2008-imut ukioqatigiiaat, ukiuni atuarfiusuni 2019/20-imi kiisalu 2024/25-mi efterskolernermik aallartitsisimasut naammassinnissimasullu.

Titartagaq 4. Ukioqatigiinni efterskolernermik aallartitsisimasut/naammassinnissimasut amerlassusaat, 2002-imiit 2008-imut ukiut malillugit



Najoqqutaq: Naatsorsueqqissaartarfik – Kisitsisaataasivimi kisitsisit takukkit (<https://bank.stat.gl/UDNESE>).

Inuusuttut 2008-imi inunngorsimasut 40 pct.-ii efterskolernermik aallartitsisimapput, 28 pct.-iilu efterskolernermik naammassinnissimallutik. Ukioqatigiinni inuit amerlassusaat 2002-imi 838-iniit 2008-imi 741-nut ikileriarsimapput.

Eqikkaaneq

Tabeli 1. 2017/18-imiit 2024/25-mut efterskolernerit amerlassusaat, atuarfinnut killiffinnullu agguaallugit

	2017/18	2018/19	2019/20	2020/21	2021/22	2022/23	2023/24	2024/25
Efterskole Villads Villadsen								
Unitsitsut	32	16	47	14	18	29	32	26
	45	61	28	45	57	36	31	35
Naammassinissimasut								
Aallartittut nutaat katillugit	77	77	75	59	75	65	63	61
Maniitsumi Efterskoli								
Unitsitsut	20	27	45	33	32	24	39	16
	55	49	30	39	37	39	15	26
Naammassinissimasut								
Aallartittut nutaat katillugit	75	76	75	72	69	63	54	42
Qallunaat efterskolii								
Unitsitsut	47	45	119	81	26	59	59	79
	252	245	162	110	136	181	174	177
Naammassinissimasut								
Aallartittut nutaat katillugit	299	290	281	191	162	240	233	256
Katillugit								
Unitsitsut	99	88	211	128	76	112	130	121
	352	355	220	194	230	256	220	238
Naammassinissimasut								
Aallartittut nutaat katillugit	451	443	431	322	306	368	350	359

Najoqqutaq: Naatsorsueqqissaartarfik – Kisitsisaataasivimi kisitsisit takukkit (<https://bank.stat.gl/UDNESF>).

Tabeli 2. Efterskolernernik aallartitsisimasut/naammassinissimasut amerlassusaat, ukioq inunngorfik malillugu; 2002-imiit 2008-imut inunngortut

	2002	2003	2004	2005	2006	2007	2008
Ukioq inunngorfik malillugu amerlassusaat	838	764	778	781	738	733	741
Efterskolernerit aallartinneqartut	416	345	285	271	333	283	298
Efterskolernerit naammassineqartut	324	187	185	197	237	191	204

Najoqqutaq: Naatsorsueqqissaartarfik – Kisitsisaataasivimi kisitsisit takukkit (<https://bank.stat.gl/UDNESE>).

Periaaseq

Nalunaarsuutit tunngaviusut

Nalunaarsuutit najoqqutarineqartut tassaapput:

- Ilinniartitaanermut Naalakkersuisoqarfiup Kalaallit Nunaanni efterskolini atuartunut nalunaarsuiffia
- Oqaasileriffiup Danmarkimi efterskolini atuartunut nalunaarsuiffia
- Naatsorsueqqissaartarfiup innuttaasunut nalunaarsuiffia

Kalaallit Nunaanni efterskolit aallarnisarneqalerneranniilli nalunaarsuutit nassaassaapput. Efterskole Villads Villadsen ukiumi atuarfiusumi 2009/2010-mi ammarneqarpoq Maniitsumilu Efterskoli ukiumi atuarfiusumi 2011/2012-imi ammarneqarluni. Ukioq atuarfiusoq 2010/2011 sioqqullugu qallunaat efterskoliini naammassinninnerit unitsitsinerillu nalunaarsuuteqanngillat, taamaattumik qallunaat atuarfiini efterskolernernut naatsorsuutit ukiumi pineqartumi aallartipput.

Periaaseq

Efterskolernernut nalunaarsuutit naleqquttut ukiumi atuarfiusumi aallartitsinerit, unitsitsinerit naammassinninnerillu malillugit immikkoortiterneqarput. Ukiumi atuarfiusumi ataatsimi atuartoq ataatsimit amerlanerusunik efterskolernernik ingerlatsisimasutut allaqqasinnaavoq, unitsitsereernerme efterskolimi allami aallartitseqqissimaguni. Atuartut ukiui ukiup pineqartup naanerani naatsorsorneqarput, 16-illu inorlugit ukiulinnut, 16-inik ukiulinnut, 17-inik ukiulinnut kiisalu 17-ileereersimasunut immikkoortiterneqarlutik. Naatsorsueqqissaartarfiup innuttaasunut nalunaarsuisarfiani atualinnginnermi illoqarfik nalunaarsorneqarsimasoq kingulleq atorlugu atuartut illoqarfinnut atassuserneqarput. Atuartut atualinnginnermi innuttaasunut nalunaarsuisarfimmi nassaarineqanngitsut kalaallit efterskoliinut imaluunniit qallunaat efterskoliini atuartuuppata paasissutissaqanngitsutut nalunaarsorneqarput. Atuartut efterskolernernik aallartitsisimasut ukioqatigiinni inuit amerlassusaannut naleqqiullugit aamma naatsorsorneqarput. Ukioqatigiit innuttaasunut nalunaarsuisarfimmi ukioq 14-inik ukioqalerfiat malillugu naatsorsorneqarput. Efterskolini atuartut nukarlersaat ukiumi 15-inik ukioqalerfiminni aallartittarnerannik aammalu efterskolini atuartut Kalaallit Nunaatalu avataani ilinniartut innuttaasunut nalunaarsuisarfimmi allaqqannginnerinik tamanna peqquteqarpoq.

Naatsorsuineq

Atuartut ukiup atuarfiusup naanerani killiffiat, ukioq atuarfiusoq, efterskoli, suaassusseq, ukiut aammalu illoqarfik malillugit agguanneqarput. Taamatullu ukioqatigiinni atuartut efterskolernernik aallartitsisimasut/naammassinnissimasut amerlassusaat naatsorsorneqarput.

Killiliinerit erseqqissagassallu

Atuartoq ukiup atuarfiusup ataatsip iluani ataatsimit amerlanerusunit efterskolernernik ingerlatsisimasutut allaqqasinnaavoq, unitsitsereernerup kingorna efterskolimi allami aallartitseqqissimaguni. Kisitsisaataasivimmi ukioqatigiit malillugit kisitsisit naatsorsukkat ukiut tamaasa allanngortassapput, ukioqatigiinni sulii amerlanerusut kingusinnerusukkat efterskolernernik aallartitsisimappata.

Ilisarnaatinut nassuiaatit:

... Paasissutissat pigineqanngillat

.. Paasissutissat tatiginanngitsut ilisarinnilersitsinnaasulluunniit

. Kisitsisitaqarsinnaanngitsut

0 Affaanit mikinerusut

- Nul

* Kisitsisaagallartut imaluunniit missingersuut

Saaffiginiffissaq

Samo Nielsen

snie@stat.gl

Ilinniartitaaneq

Naatsorsueqqissaartarfik

Postboks 1025 · 3900 Nuuk

Tlf.: +299 34 57 70

www.stat.gl · e-mail: stat@stat.gl

